

醫聖張仲景傳

張機、字仲景、南陽人也。學醫於同郡張伯祖

、盡得其傳、工於治療、尤精經方、遂大有時

譽。漢靈帝時舉孝廉、官至長沙太守。與同郡

何顯客遊洛陽、顯探知其學。謂人曰：仲景之

術、精於伯祖、起病之驗、雖鬼神莫能知之、

真一世之神醫也。（李濂醫史）林億等校正序

曰、張仲景漢書無傳、見名醫錄。云南陽人、

名機、仲景乃其字也。舉孝廉、官至長沙太守

。始受術於同郡張伯祖、時人言、識用精微過

目錄

醫聖張仲景遺像

南陽醫聖祠墓攝影

醫聖張仲景傳附歷代名醫評贊

謁南陽醫聖張仲景祠墓記

王幼農范紫東致焦易堂館長函

黃謙致南陽縣縣長王幼儔函

中央國醫館咨河南省政府函

河南省政府咨中央國醫館函

甯波訪求仲景遺書記

00
依

讀黃竹齋「甯波訪求仲景遺書記」書後 六九

附周岐隱先生來函 八一

馮寒雜病論序 八二

中央國醫館第二屆全國國醫藥界代表大會提案 八六

重修南陽醫聖祠董事會章程 九〇

發起重修南陽醫聖祠備案及籌備會議決議之經過 九四

附左修之先生像傳 一〇一

一〇一

九四

九〇

八六

八二

八一

醫聖張仲景傳

張機、字仲景、南陽人也。學醫於同郡張伯祖

、盡得其傳、工於治療、尤精經方、遂大有時

譽。漢靈帝時舉孝廉、官至長沙太守。與同郡

何顯客遊洛陽、顯探知其學。謂人曰：仲景之

術、精於伯祖、起病之驗、雖鬼神莫能知之、

真一世之神醫也。（李濂醫史）林億等校正序

曰、張仲景漢書無傳、見名醫錄。云南陽人、

名機、仲景乃其字也。舉孝廉、官至長沙太守

。始受術於同郡張伯祖、時人言、識用精微過

其師。〔醫說〕張仲景方序論云、張伯祖南陽

人、性志沈簡、篤好方術、諺處精審、療皆十全

、為當時所重。同郡張仲景異而師之、因有大

譽。〔太平御覽〕何永別傳云、同郡張仲景總

角造永、謂曰、君用思精而韻不高、後將為良

醫、卒如其言。永先識獨覺、言無虛發。〔古

今醫統〕作何顛。〔襄陽府志〕張機、字仲景

、南陽棘陽人。〔河南通志〕張機、涅陽人。

案〔後漢書郡國志〕荊州刺史部郡七、南陽

、南郡、江夏、零陵、桂陽、武陵、長沙。其

上海讀者紙品工業社

棘陽、涅陽、皆南陽郡所屬城。棘陽、今湖北
省棗陽縣。涅陽、今河南省南陽縣。何顥字伯
求、後漢書黨錮列傳。後在京師為名醫、於
當時為上手。(醫說)引仲景方論序)仲景見
侍中王仲宣、時年二十餘、謂曰、君有病、四
十當眉落。眉落半年而死、今服五石湯可免。
仲宣嫌其言忤、受湯勿服。居三日見仲宣、謂
曰、服湯否。仲宣曰、已服。仲景曰、色候固
非服湯之診、君何輕命也。仲宣猶不信。後二
十年果眉落、後一百八十七日而死、終如其言

此、事雖扁鵲倉公無以加也。(一)皇甫謐甲乙
 經序(一)太平御覽(一)卷七百三十九何永別傳、
 張仲景過山陽王仲宣。謂曰、君體有病、後年
 三十當眉落。仲宣時年十七、以其言實遠、不
 治。後至三十疾、果落眉。又卷七百二十二何
 永別傳。王仲宣年十七、嘗遇仲景。仲景曰、
 君有病、宜服五石湯、不治且成。後年三十、
 當眉落。仲宣以其言長也遠、不治也。後至三
 十、病果成、竟眉落。其精如此、仲景之方術
 、今傳於世。案孫思邈千金翼方序云、仲景

候色而驗眉、蓋本諸此。又抱朴子內篇卷第五
 云、仲景穿胸以納赤餅。陸九芝曰、此不類仲
 景所為、或以華元化有條藏縫腸之事、而仲景
 與之齊名、遂附會其說歟。一仲景垂妙於定方
 。一晉書皇甫謐傳一宗族二百餘口、自建安以
 來、未及十稔、死者三之二、而傷寒居其七。
 一襄陽府志一後漢書袁術傳一初平三年術據
 南陽、建安二年、僭號自稱仲家。時天旱歲荒
 、士民凍餓、江淮間相食殆盡。一感往昔之淪
 喪、傷橫夭之莫救。乃勤求古訓、博采衆方。

醫診脈、知病源由。流轉移動、四時逆順、相
 識閉塞、猶如醉人。四季運轉、終而復始。下
 歸之。太過則四肢不舉、不及則九竅不通。六
 土也、生育萬物。迴助四候。善者不死、死則
 水聲、煩悶干驚。木聞金聲、恐畏相刑。脾者
 死、赤乘青者生。中醫聽聲、聲合五音。火聞
 者上醫相色、色脈與形、不得相失。黑乘赤者
 衛氣行、知病所在。宜治之法、不可不通。古
 應精思。中通十二經脈、辨三百六十孔穴、榮
 一本書論集一日、凡欲和湯合藥鍼灸之法、宜

害相生、審知藏府之微、此乃為妙也。(八千
金方)案此段之文、與金匱首篇多相發明。
惟六識乃出六朝後之佛書、仲景曷嘗有此語、
其為孫氏所增無疑。觀引論集二段文、自見。
又曰、欲療諸病、當先以湯蕩滌五藏六府。開
通經脈、理導陰陽。破散邪氣、潤澤柱槁、悅
人皮膚、益人氣血。水能淨萬物、故用湯也。
若四肢病久風冷發動、次當用散。散能逐邪、
風溼痺、(八千金)作風氣溼痺)表裏移走、
居無常處者、散當平之。次當用丸、丸能逐風

冷、破積聚、消諸堅癥、（八千金）作堅癖）
 進飲食、調榮衛。能參合而行之者、可謂上工
 。故曰、醫者意也。又曰、不須汗而強與汗之
 者、奪其津液、令人枯竭而死。須汗而不與汗
 之者、使諸毛孔閉塞、令人悶絕而死。不須下
 而強與下之者、令人開腸洞泄、便溺不禁而死
 。須下而不與下之者、令人心內懊懣、脹滿煩
 亂、浮腫而死。不須灸而強與灸之者、令人火
 邪入腹、干錯五藏、重加其煩而死。須灸而不
 與灸之者、令人冷結重凝、久而彌固、氣上衝

心、無地消散、病篤而死。(《金匱玉函經》
八千金方) 案此篇二百五十八字、將一部傷
寒雜病論、湯液散丸之功用、汗下溫灸之原理
、闡發無餘蘊、學者所當深玩也。又案序例成
氏註、云金匱玉函曰、則千金方引此題曰張仲
景、信矣。(《華氏中藏經》) 亦載此篇、其文少
異、蓋後人偽纂也。瀕湖未審、本草綱目序例
作華陀曰、誤矣。又序例土地溫涼高下不同一
節、《外臺》《總病論》皆作王叔和曰云云、
而本草綱目序例題張仲景曰。其以仲景之言為

華院、以王叔和之言為仲景、失於審辨也。殊甚。
 。今特考明、附論於此。又須珍貴之藥、非
 貧家野居所能立辦、由是怨嗟、以為藥石無驗
 者、此弗之思也。一八金匱玉函經一 此段敍
 經方所以不取珍貴藥品之意、仁人之言、其利
 溥哉。又曰、人體平和、惟須好將養、勿妄
 服藥。藥勢偏、有所助、令人藏氣不平、易受
 外患。夫含氣之類、未有不資食以存生、而不
 知食之有成敗、百姓日用而不知、水火至近而
 難識。余慨其如此、聊因筆墨之暇、撰五味損

益食治篇以啟童稚。庶勤而行之，有如影響耳。
 。一千金方。此段文、蓋序附禽獸魚蟲果
 實菜穀禁忌二篇、於雜病論後之意。魏尤二氏
 以雜療方等二篇、斷為後人偽託、而竟刪之、
 過矣。一撰用素問九卷、八十一難、陰陽大論
 、胎臚藥錄、并平脈辨證、為傷寒雜病論合十
 六卷。一八本書論集。一案八梁七錄。一張仲景
 辨傷寒十卷。一隋書經籍志。一張仲景方十五卷
 。辨傷寒十卷。評病要方一卷。療婦人方三卷
 。一唐書藝文志。一王叔和張仲景藥方十五卷。

傷寒雜病論十卷。八宋史藝文志。脈經一卷。
 五藏榮衛論一卷。傷寒論十卷。金匱要略方三
 卷。療黃經一卷。口齒論一卷。金匱玉函八卷
 。林億等校正序曰、張仲景為傷寒雜病論合十
 六卷、今世但傳傷寒論十卷、雜病未見其書、
 或於諸家方中載其一二矣。翰林學士王洙、在
 館閣日、於蠹簡中、得仲景金匱玉函要略方三
 卷。上則辨傷寒、中則論雜病、下則載其方、
 并療婦人。乃錄而傳之士流、才數家耳。今先
 校定張仲景傷寒論十卷、總二十二篇、證外合

三百九十七法、除重複定有一百一十二方。次
校定金匱玉函經。今又校成此書、仍以逐方次
於證候之下、使倉卒之際、便於檢用也。又採
散在諸家之方、附於逐篇之末、以廣其法。以
其傷寒文多節略、故所自雜病以下、終於飲食
禁忌、凡二十五篇、除重複合二百六十二方。
勒成上中下三卷、依舊名曰金匱方論。此仲景
書、自漢建安十年至宋治平二年、上下八百五
十六年、分合隱顯之大概也。八太平御覽一引
高湛養生論云、王叔和編次張仲景方論為三十

六卷、大行於世。八千金方、傷寒門云、江南
 諸師祕仲景要方不傳。今考八千金方、所載金
 匱方論十之八九，亦載傷寒論，惟甚簡略、疑即
 王洙由館閣所獲之本。孫氏晚年始獲傷寒論。
 收載之於翼方。後天寶中、王燾撰八外臺祕要
 一、中載仲景傷寒論方、合今金匱計一十八卷
 、與史志所載卷數皆不合。蓋木板印刷之術、
 始於五代馮道。其先書籍皆由抄寫、故分卷各
 不同也。孫兆外臺祕要疏云、張仲景集驗小品
 最為名家、今多七逸。是知仲景高著有集驗小

品二種、其書久佚、今惟於外臺祕要中得窺其

匡略。〕其文辭簡古奧雅、古今治傷寒者、未

有能出其外者也。〔〔文獻通考〕引陳振孫書

目題辭〕最為象方之祖、又悉依本草。但其喜

診脈、明氣候、以意消息之耳。〔〔陶宏景名

醫別錄序〕〔〔陰證略例〕文瑤公云、仲景為

羣方之祖。〕〔唐書于志寧傳〕本草所載郡縣多

在漢時、疑張仲景華陀竄記其語別錄者。〕華

陀讀而喜曰、此真活人書也。〔〔襄陽府志〕

葉孫奇校金匱方論序云、臣奇嘗讀魏華陀傳

云出書一卷、曰此書可以活人。每觀華陀凡
 所療病、多尚奇怪、不合聖人之經。臣奇謂活
 人者、必仲景之書也。一朱肱活人書張巖序云
 云、華陀指張長沙傷寒論為活人書、昔人又以
 金匱玉函名之、其重於世如此。然其言雅奧、
 非精於經絡、不可曉會。府志之言、蓋有所本
 。一巢氏病源云、華陀之為治、或剝斷腸胃
 、滌洗五藏、不純任方也。仲景雖精不及於陀
 、至於審方物之候、論草石之宜、亦妙絕衆醫
 。論者推為醫中亞聖。而范蔚宗後漢書、不為

仲景立傳、君子有遺憾焉。一襄陽府志一
案時賢一丁仲祜歷代名醫列傳一附論、謂孝後
漢書三國志、自孫堅為長沙太守後、靈獻之間
無仲景守長沙之日、云云。今考靈帝紀、孫堅
為長沙太守在中平四年、上距建寧紀元一十八
年、蓋仲景為長沙太守、在建寧年間、值黨錮
事起、旋即致仕、故其佚事見於何顥別傳也。
又一方中行傷寒條辨一載張松北見曹操、以其
川中醫有仲景為誇。陸九芝云、仲景入川、事
無可據、明是裨官家言。考一後漢書袁術傳一

術畏卓之禍、出奔南陽、會長沙太守孫堅殺南陽太守張咨、引兵從術。表上術為南陽太守。一獻市紀事在初平元年。一初術在南陽、戶口尚數十百萬、而不修法度、以鈔掠為資、奢恣無厭、百姓患之。一劉焉傳一初南陽三輔民數萬流入益州、焉悉收以為衆、名曰東川兵。一事在興平元年。一建安十三年曹操自將征荊州、璋乃遣使致敬、操加璋振威將軍。璋因遣別駕從事張松詣操。然則仲景入川、蓋在初平年間。袁術據南陽時。其後劉備襲川、旋即歸隱、故

其事蹟無所表見。易稱潛龍之德，仲景有焉。陸氏無謂稗官家言，蓋指《三國演義》然所載張松云云，決非杜撰，但書闕有間，無所質證爾，故附辨於此。《南陽人物志》張璣又得陽勵公之傳，精於治療。一日入桐柏山覓藥草，遇一病人求診。仲景曰，子之腕有獸脈，何也。其人以實具對，曰吾乃嶧山老猿也。仲景囊中丸藥畀之，一服輒愈。明日肩一巨木至，曰此萬年桐也，聊以相報。仲景斲為二琴，一曰古猿，一曰萬年。《見古琴記》元嘉冬，桓

帝感寒疾、召璣調治、病經十七日。璣診視曰
 、正傷寒也。擬投一劑、品味輒以兩計、密覆
 得汗如雨、及旦身涼。留璣為侍中、璣見朝政
 日非。嘆曰、君疾可愈、國病難醫、遂挂冠遁
 去、隱少室山。及卒、葬宛城東二里許、後人
 尊為醫聖。案志云仲景事蹟怪誕、且名時不
 符無足辨也。清順治初、葉縣訓導馮應鰲、得
 仲景墓於南陽縣東郭門外、仁濟橋西、乃為詞
 祀焉。一南陽縣志一徐忠可金匱要略論
 註一張仲景靈異記云、蘭陽諸生馮應鰲、崇禎

戊辰初夏、病寒熱幾殆、夜夢神人金冠黃衣、
以手撫其體、百節通暢。問之、曰我漢長沙太
守、南陽張仲景也。今活子、我有憾事、盍為
我釋之。南陽城東四里有祠、祠後十七步有
墓、歲久湮沒、將穿井於其上、封之惟子。覺
而病良愈。是秋應鰲即千里走南陽城東、訪先
生詞墓於仁濟橋西。謁三皇廟旁列古名醫、內
有衣冠鬚眉、宛如夢中見者、拭塵視壁間、果
仲景也。因步廟後求先生墓、已為明經祝丞蔬
圃。語之、駭愕不聽。詢之父老、云廟後有

古塚、碑記為指揮郭雲智修唐府燒灰焚毀。應
 鰲遂記石廟中而去。後四年園丁掘井圍中、丈
 餘得石碣、果先生墓、與應鰲所記不爽尺寸。
 下有石洞幽窈、聞風雷聲、懼而封之。應鰲以
 寇盜充斥不能行。又十年餘、應鰲訓葉。葉隸
 南陽、入都謁先生墓、墓雖封、猶在洳流畦壤
 間也。問其主、易祝而包、而楊、楊又復歸包
 、包孝廉慨然捐其地。郡丞漢陽張三異聞其事
 而奇之、為募疏請之監司僚屬、輸金助工。立
 專祠、重門殿廡、冠之高亭、題曰漢長沙太守

醫聖張仲景祠墓。晉老陳誠又云、詞後高阜、相傳為先生故宅、迄今之張名巷。巷之西有張真人祠、名額存焉、祀張仙、或傳之久而誤也。祠墓成於順治丙申年、距戊辰已三十稔云。節錄桑芸張仲景墓記、及馮應鰲醫聖張仲景靈應記。按仲景墓在今南陽縣、東郭北陽醫聖祠內。墓高八尺、東距郭垣僅五步。考南陽環城郭紫、建築於清同治五年。三皇廟在祠南七十步、其中神像於民國十七年為駐軍所毀。仁濟橋在廟東郭紫外。而馮應鰲明崇禎元年所

刊之記事碑、湮沒者三百餘年、余於癸酉孟冬
 獲見、昇賢殿左、並撰製楹聯、文曰道繼農黃
 、德侔孔孟、懸諸殿前、藉表景仰之誠云。
 杜度、仲景弟子。識見宏敏、器宇冲深、淡於
 矯矜、尚於救濟。事仲景、多獲禁方、遂為名
 醫。〔一〕醫說〔一〕引仲景方序〔一〕衛汎、好醫術、
 少師仲景、有才識、撰四逆三部厥經、及婦人
 胎藏經、小兒顱顛方三卷、皆行於世。〔一〕太
 平御覽〔一〕引張仲景方序〔一〕千金方〔一〕卷二十六
 食治序論、河東衛汎記曰、扁鵲曰、人之所依

者形也。亂於和氣者病也。理於煩毒者藥也。濟命扶危者醫也。安身之本必資於食。救疾之速必憑於藥。不知食宜者。不足以存生也。不明藥忌者。不能以除病也。是故食能排邪而安藏府。悅神爽志以資血氣。若能用食平病。釋精選疾者。可謂良工。長年餌老之奇法。極養生之術也。夫為醫者當須先洞曉病源。知其所犯。以食治之。食療不愈。然後命藥。藥性剛烈。猶若御兵。兵之猛暴。豈容妄發。發用乖宜。損傷處眾。藥之投疾。殊濫亦然。又八千

金翼方一衛記稱扁鵲云、安身之本、必須於食、救疾之道、惟在於藥。不知食宜者不足以全生、不明藥性者不能以除病。故食能排邪而安藏府、藥能怡神養性以資四氣。故為人子者、不可不知此二事。是故君父有疾、期先命食以療之。食療不愈、然後命藥。故孝子須深知食藥二性、其方在千金方第二十六卷中。一王叔和、高平人也。博好經方、尤精診處、洞識攝養之道、深曉療病之源。採摭羣論、撰成脈經十卷、篇次張仲景方論為三十六卷、大行於世。

景之書逮今千年而顯用於世者、王叔和之力也
今八百餘年、惟王叔和能學之、成無己曰、仲
世。高保衡等校定《傷寒論序》云、自仲景於
經十卷。編次張仲景方論為三十六卷、大行於
沉靜、好著述、考覈遺文、採摭羣論、撰成脉
書。《太平御覽》引高湛養生論云、王叔和性
錯簡、迨西晉高平人王叔和撰次成序、得成全
指事施用。《唐甘伯宗名醫傳》云仲景作傷寒論
《近代太醫令王叔和、撰次仲景、選論甚精、
。《東晉張湛養生方》云《皇甫謐甲乙經序

衆口一辭謂仲景、能治傷寒而不能療雜、
 未暇註金匱論、所以俗醫分為二門、致今時
 攝七十八歲撰成明理論、八十歲時註完傷寒論
 平問、後聊攝地入金、遂為金人。徐鎔曰、聊
 以成無己為最先、無己聊攝人、生於宋嘉祐治
 今附諸仲景傳後、以彰其功。又案傷寒論註
 叔知之偽託、甚至疑其變亂仲景原文、過矣、
 篇皆題辭敘明。後人不察、竟以增入各篇為王
 功、自不可沒、仲景舊論、賴之以存、附入各
 。案王叔和於仲景書、雖無所發明、而傳經之

哉。陸九芝曰、仲景傷寒論見隋書經籍志、隋時必有定本、惜無可考。今案成無已於原文堅字皆作鞭、疑皆避隋文帝諱。脈經作堅、千金翼乃作堅、可見聊攝所據尚是隋時原本、是可貴矣。金匱註以趙以德為最先。陸九芝曰、趙氏名良仁、元末長洲人、从丹溪學、淵源有自、皆必讀之書。又曰、註傷寒者、明時已有五十餘家、今則百餘家矣。其篇次各不同、欲得傷寒論原次、必要讀千金翼。

皇甫士安曰：「伊尹以元聖之才，撰用神農本草以為湯液。漢張仲景論湯液為十數卷，用之多驗。近世太醫令王叔和，撰次仲景遺論甚精，皆可施用。」

陶隱居曰：「惟張仲景一部，最為衆方之祖。又悉依本草，但其善診脈、明氣候、以意消息之爾。」

孫思邈曰：「傷寒熱病自古有之，名賢濬哲

多所防禦。至於仲景，特有神功，尋思旨

趣，莫測其致，所以醫人，未能鑽仰。」

成無已曰、自古諸方、歷歲浸遠、難可考
評。惟仲景之方、最為衆方之祖。是以仲
景本伊尹之法、伊尹本神農之經、醫帙之
中、持為樞要。參今法古、不越毫末、乃
大聖之所作也。

劉河間曰、自黃帝之後、二千五百有餘年
、有仲景方論一十六卷、使後之學者、有
可依據。又曰、仲景亞聖也、雖仲景之書
未備聖人之教、亦幾於聖人焉。

李東垣曰、易水張先生云、仲景藥為萬世

法、號羣方之祖、治雜病若神。後之醫者

宗內經法、學仲景心、可以為師矣。

王海藏曰、余讀醫書幾十載矣、所仰慕者

仲景一書為尤、然讀之未易洞達其趣。

又曰、折中湯液、萬世不易之法、當以仲

景為祖。又曰、金匱玉函要略、傷寒論、

皆張仲景祖神農、法伊尹、體箕子、而作

也。

朱丹溪曰、仲景諸方、實萬世醫門之規矩

準繩也。後之欲為方圓平直者、必於是而

取則焉。或問曰、要略之方、果足用乎。

曰、天地氣化無窮、人身之病亦變化無窮

。仲景之書載道者也、醫之良者引例推類

、可謂無窮之應用。惜令略有加減慘合、

終難踰越矩度。又曰、圓機活法內經具舉

、與經意合者仲景書也、仲景因病以制方

。

李挺曰、獨有漢長沙太守張仲景者、揣本

求源、探微索隱、取內經大小奇偶之制、

定君臣佐使之法、而作醫方、表裏虛實、

真千載不傳之秘。乃大賢亞聖之資、有繼

往開來之功也。

方中行曰、昔人論醫、謂前乎仲景有法無

方、後乎仲景有方無法、方法具備惟仲景

此書。然則此書者、盡斯道體用之全、得

聖人之經而時出者也。後有作者、終莫能

比德焉。

喻嘉言曰、張仲景傷寒論一書、天苞地苻

、為象法之宗、羣方之祖。

徐靈胎曰、仲景之治病、其論藏府經絡、

病情傳變、悉本內經。而其所用之方、皆古聖相傳之經方、並非私心自造。間有加減、必有所本、其分兩輕重、皆有法度。

其藥悉本神農本草、無一味游移假借之處。非此方不能治此病、非此藥不能成此方。精微深妙、不可思議。藥味不過五六品、而功用無不周。此乃天地之化機、聖人之妙用、與天地同不朽者也。

陳修園曰、仲景書本於內經、法於伊尹、漢書藝文志及皇甫謐之言可據。蓋內經詳

於鍼灸。湯液治病始自伊尹。扁鵲倉公因

之。至仲景專以方藥為治。而集羣聖之大

成。醫門之仲景。即儒門之孔子也。

賈伯雄曰。仲景立方之祖。醫中之聖。所

著傷寒金匱諸書。開啟屯蒙。學者當奉為

金科玉律。

日本山田正珍曰。余嘗讀仲景氏書。觀其

立法之意。循循然莫不有規矩。說補不偏

乎補。說瀉不偏乎瀉。曲盡機變之妙。以

極其源。其文簡而達。其法約而中。苟能

熟之、則不眩於疾病之多、無憾於法方之

少。其為後世慮者、可謂詳且備矣。

尾臺榕堂曰、長沙為千古用方之鼻祖。然

其方則咸出於三代聖賢之精製、長沙特集

其大成耳。其方簡明正嚴、條理秩然、寬

猛之治、和攻之法。無不周詳賅備。故苟

能講習諳練、以精究其意、推廣其義、則

萬病之治、可運之掌也。

謁南陽醫聖張仲景祠墓記

予自弱冠時、讀傷寒論、金匱要略、即欲詳知

張仲景先生之歷史。乃檢後漢書三國志，而無
 仲景傳。後考各家醫書，及子集稗史，間有載
 其佚事，東鱗西瓜，詳略互見。於是蒐輯諸書
 ，撰張仲景傳，列於拙著傷寒雜病論集註卷首
 。而仲景祠墓，則自漢迄明，志乘失載，文獻
 無徵。有清康熙中，徐忠可著金匱要略論註，
 卷首載張仲景靈應記一篇。蓋節錄馮應鰲醫聖
 張仲景靈應記，桑芸張仲景詞墓記而成者。記
 云，一蘭陽諸生馮應鰲，崇禎戊辰初夏，病寒
 熱幾殆。夜夢神人，金冠黃衣，以手撫其體，

百節通變。問之，曰：「我漢長沙太守南陽張仲景也。今活子，我有憾事，盍為我釋之。」南陽城東四里有祠，祠後七十七步有墓，歲久湮沒，將穿井於其上，封之惟子。一覺而病良愈。是秋，應鰲卽十里走南陽城東，訪先生祠墓於仁濟橋西。謁三皇廟，旁列古名醫，內有衣冠鬚眉，宛如夢中所見者。拭塵視壁間，果仲景也。因步廟後，求先生墓，已為明經祝丞蔬圃。語之故，駭愕不聽。詢之父老，云：「廟後有古塚，碑記為指揮郭雲督修唐府，燒灰焚毀。」

應鰲遂記石廟中而去。後四年，園丁掘井圃中，
，丈餘得石碣，果先生墓。與應鰲所記，不爽
尺寸。下有石洞幽窈，聞風雷聲，懼而封之。
應鰲以寇盜充斥，不能行。又十年餘，應鰲訓
葉。葉隸南陽，入都謁先生墓，墓雖封，猶在
洳流畦壤間也。問其主，易祝而包，而楊，楊
又復歸包。包孝廉慨然捐其地，郡丞漢陽張三
異，聞其事而奇之，為募疏，請之監司僚屬，
輪金助工。立事祠，重門殿廡，冠之高亭，題
曰一漢長沙太守醫聖張仲景祠墓。一鄉耆陳誠

又云，一詞後高阜，相傳為先生故宅。一迄今以張名巷。巷之西，有張真人祠，名額存焉，祀張仙，或傳之久而誤也。祠墓成於順治丙申年，距戊辰已三十稔云。一仲景祠墓見於載籍始此。十年前予即發願謁仲景祠墓，考索遺蹟，以事未果。今歲仲秋承楊茂三王岐山趙子餘諸先生餽贐。迨至本月一日，始由西安啟程，四日抵南陽。翌晨沐浴訖，詣東郭北隅，見道旁有廟，前列數碑。東有仲景神道碑，知即為三皇廟，創建於明嘉靖丙午年，內祀伏羲，神

農，黃帝，暨岐伯以下，十代名醫。鄉人謂民國十七年，石友三軍駐宛，將廟中神像盡毀，近年於內設立學校。仁濟橋在廟前東郭岩外，亦嘉靖時所建也。由廟後行六十餘步，即醫聖祠。而順治丙申馮應鰲所立之靈應碑，在詞外東郭岩內壁間。桑芸所立之祠墓記碑，露立祠右，文與馮碑詳略互見。墓在祠門內，前有碑高八尺餘，係順治十三年，郡丞張三異所立。予禮敬訖，見墓前又一小碑，高二尺餘，文曰：漢長沙太守醫聖張仲景墓。字體道逸，類晉

人書。蓋即明崇禎五年，園丁穿井鑿地所獲者。見此碑而仲景之墓，乃有確據，距今歲適甲子五周矣。祠中諸碑，古而可寶者，當以此為最云。墓高八尺，後舊有藤數本，外砌碑，上覆亭，民國十二年，邑人楊文濂所建也。墓東距郭垣僅五步，前後三十餘步，南北與郭垣相直，蓋特為仲景祠墓將郭垣外伸數步，乃成弧形。查南陽環城郭者，築於同治五年，為玄妙觀羽士張宗璿，規畫建築，以禦捻寇者，使仲景不顯靈異於明末，不惟難免穿掘之患，且少

為郭垣所覆矣，體魄焉能卒獲安全哉。墓後數步為祠，正殿三楹，中祀仲景塑像，金冠黃袍，豐顏隆準，黑鬚三絡，平膝正坐，手持如意一柄。像前金字牌位，文曰：醫聖先師漢長沙太守張公神位。左旁祀註傷寒論諸公牌位六，右旁祀孫真人像。東序祀周公景福，西序祀神醫何仙。又有佛像數尊，參乎其間，不倫不類，混祀一堂，蓋清道光後，鄉人隨意妄增也。予歷覽廟宇，見其門敵廡頽，庭穢垣圯。一道童守門，云一其師李智祥，年近古稀，因祠產為

學校所奪，惟恃遊募度日。一予考索碑文，祠
產原有園田四十畝，係順治十三年，包孝廉捐
施。姚家莊地四頃八十畝，係康熙二十七年，
周景福捐施。附郭地五十畝，係康熙五十九年
姜大成吳國士捐施。專供本祠祀祭，暨修葺看
守之資。詳詢該地人士，得知姚家莊地四頃八
十畝，於民國初年，撥歸師範學校。附郭園地
九十畝，民國十七年，石軍駐宛，變賣廟產，
被劣紳朱及元，倚勢乘危，以賤價買去。至十
九年，該紳以不法事，為張伯英總指揮槍斃。

去歲，其兄朱登雲，以積惡不悛，為劉雪亞督
辦處決。兄弟同惡相濟，咸憎顯戮，家產六七
十頃，悉數充公，而此項祠產，遂亦歸師範學
校矣。魄予德薄力綿，無能為役，則恢復祠產
，莊嚴廟貌，是所望於邦人君子云。謁神畢，
甫出門，見一小碑，側置祠外。讀其文，乃崇
禎元年九月，馮應鰲所立之紀事碑。原在三皇
廟中，馮氏去後，旋為不便者仆沒。及順治十
年，馮氏再至，求之不得，疑為人毀矣。有僧
洪秋者，昔卓錫此地，錄文而笥藏之，馮從之

得其文，復刊於石，而詳記其顛末於後。今秋
校長某，見碑於階下，不忍為人踐踏，而移於
此。按此碑已沒三百餘年，為考究仲景祠墓者
，最要之史料。不惟今世所當珍，即在當時，
馮氏亦極重視，惜其不克再覲也。予亟昇祠內
，樹之殿左階上。翌日再往謁神，見香案前置
問事籤筒，偶抽其一，得第九十一，上書七言
一首，首句云君今頂禮叩前緣。因感其靈，為
之撰製楹聯文曰道纘農黃，德侔孔孟，懸諸殿
前，藉表景仰愚誠。擬將祠田被奪情形面陳該

縣王縣長幼儁，請其設法歸還。適王縣長赴許

昌迎張總指揮未歸。余亟於赴京滬，特留書一

函，託紳士王錫三轉達。計住南陽七日，拓碑

六種，攝影三幀，謹記其概如右。中華民國二

十二年十月十一日

余友黃君竹齋，長安隱君子也。酷嗜軒岐

，劉覽古今醫籍數百種。傷寒金匱尤寢饋無虛

夕。所著傷寒雜病論集註，傷寒雜病論新釋，

鍼灸經穴圖考等書，均能膾炙人口。今之私淑

南陽而能入仲聖宮牆者，難數數觀。觀其讀仲

景書，尤欲想見其為人，久欲親謁祠墓，得瞻道貌為幸。去冬跋涉千里，冒風雪，走南陽，考索遺蹟，訪詢廟產。斷碑殘碣，親為移置，徘徊不忍去。並將祠堂墓樹，拍照來京。十年宿願，一旦克展，快慰生平。此黃君娓娓告予，因之喜而不寐者竟夕。蓋余有志未遑，今聞其言，觀其圖，心焉嚮往者久之。且黃君為吾道有心人，其於聖祠頽圯，則有志修理。墓田被佔，則設法追還，已呈請中央國醫館函請河南省政府令飭南陽縣府查明追還。此案尚無結

果，黃君怒焉如搗，蓋憂年湮代遠，祠田難返，
 春秋歲時，無以崇德報功也。近聞河南二十
 路總指揮張鈞將軍發起修建仲景祠墓。闢地數
 十畝，草擬修祠緣起，慷慨激昂，聞者動容。
 醫藥不亡，於此可見。嗚呼，祠田散失，既有
 黃君奔走呼號於前；外醫囂張，復有張公表揚
 闢地於後。先後媲美，如出一轍。丁茲中西醫
 學奮鬥之秋，木鐸一聲，長沙萬古，四海同人
 ，不日覩廟貌巍峨，煥然一新。能無油然而興
 尊重師道之感乎？中央國醫館編審委員周柳亭

敬識

王幼農范紫東致焦易堂館長函

易堂仁兄先生偉鑒，久疏牋候，歉仄良深，就
謫勤履勝常，公私踴躍，至以為慰。啟者，南
陽張仲景為醫中亞聖，惠濟生民，厥功非淺。
吾鄉黃君竹齋，肆力醫學，此次攜所著醫書赴
滬刷印，迂道拜謁仲聖祠墓。及至南陽，乃知
祠產地畝竟為劣紳侵奪，隨即致函南陽縣長，
並請各方贊助以伸公理。閣下提倡國醫，對
於仲聖祠產，諒必有正當之辦法。黃君現到南

方，或以面陳此事。茲特將致縣長原函抄閱，

尚望鼎力設法。是所至禱。肅即頌勳祺不宣

愚弟王典章范凝績鞠躬

黃謙致南陽縣縣長王幼儁函

幼儁縣長閣下，敬啟者，謙長安人也，現年四

十八歲，賦性愚拙，不自度量，欲以發揚中國

醫學為己任。自弱冠以來，寢饋於張仲景傷寒

論，金匱要略者，二十餘年。涉獵醫書數百種

，訂俗本之訛謬，輯諸註之精華，參合近世生

理學說，著成傷寒雜病論集註十八卷，傷寒雜

病論新釋十六卷，經方藥性辨四卷，鍼灸經穴圖考八，都凡數百萬言。擬將印行，質正當世。特來南陽，專誠拜謁張仲景祠墓，考索遺蹟，拓碑攝影。瞻仰廟宇，門敞廡頽，屋破垣圯，荒穢景况，觸目傷心。詢諸廟祝，得知祠產原有園田四十畝，附郭田五十畝，姚家莊田地四頃八十畝，係清初善士包孝廉，周景福，姜大成等，先後捐施，專供香火修葺暨住持衣食之資，均有碑文可稽。姚家莊地，民國初年為本縣師範學校佔奪。附近園田八十畝民國十

七年石友三軍駐宛。變賣廟產，其勢岌岌，劣紳朱及元時為商會會長，及第一區區長，倚勢乘危，以賤價從玄妙觀買去。二十年該紳以不法事為張總指揮槍斃，去春其兄朱登雲復以積惡不悛，經衆告發，為劉督辦處決。兄弟同惡相濟，咸遭顯戮，家產七十頃悉數充公，而此項祠產遂亦撥歸本縣師範學校，以致香火修葺之費無著。住持道人李智祥，年近古稀，惟恃遊募度日，聞之不禁惘然。伏思張仲景為我國醫中亞聖，道纘農黃，德侔孔孟，所集傷寒金

匱，尚論者推為方書之祖。自漢迄今千有七百餘年，歷代醫家奉為圭臬，濟世活人，功在生民。仁術教澤，遠被東瀛，久為日人所尊崇，誠我華旅莫大之光榮。若聽其祠產任人侵奪，廟貌長此頽圯，不惟無以表示國人追功報德之忱，抑恐致貽外邦數典忘祖之誚，是以不忍緘默，用敢蕪詞冒瀆，懇乞閣下秉公執言，召集耆紳曉以大義，或行文上峯陳明事實，務使該校將所奪醫聖祠田地，照數歸還。或由官紳及醫藥兩界，組織一保管委員會負責保管，則

神人同感，功德無量矣。南陽自古多賢哲，當
 今豈乏善士，苟有甘冒不韙，出而阻撓，意圖
 把持，以蔑神欺懦，辱國敗法為能者。謙不敏
 ，當在京滬將此事實報端宣傳，訴諸輿論，以
 彰公理。敬求邦人君子共同援助，惟力是視。
 尚冀閣下鑒茲悃誠，俯允所請，依法處理，襄
 此義舉，是所切禱。肅肅布達，敬候
 善祺

黃謙謹啟

中央國醫館咨河南省政府函

二十三年一月九日

為咨請事，案據醫士黃謙報稱，以南陽先賢張仲景廟產，先因劣紳剝蝕，後由該縣師範學校強行侵奪，盡數沒收，蕩然廢棄，良深浩歎。懇祈轉請河南省政府，令飭南陽縣縣長設法整理，俾使原有廟產，完全歸還以崇紀念。等情據次，查張仲景為我國醫中亞聖，導揚學術，惠濟民生，厥功匪淺。為特據情轉咨貴政府，迅飭南陽縣縣長，查明所有張仲景廟產，掃數撥還，以維香火而崇紀念。除抄附黃謙致該縣縣長王幼僑原函一通，以明事實外，相應咨請

，即希查明辦理，並祈見復為荷。此咨

河南省政府

河南省政府咨中央國醫館函

二十三年一月十八日

案准貴館二二零一號咨，以按中醫黃謙報稱，

以南陽醫聖張仲景廟產，經該縣劣紳及師範學

校剝蝕侵奪，囑即令飭南陽縣查辦等由，附送

黃謙致南陽縣函一件。准此，除令南陽縣政府

查明核辦外，相應咨覆，即希查照為荷，此致

中央國醫館館長焦

河南省政府咨中央國醫館函字第六三三號
案按兼代南陽縣縣長王幼儵呈稱案奉
鈞府第三九七號訓令開，准中央國醫館第二二
零一號咨開，以南陽先賢張仲景廟產，先因劣
紳剝蝕，復由該縣師範學校強行侵奪，蕩然廢
棄良深浩歎，咨飭掃數撥還等由。飭即查明核
辦，具報察奪，等因奉此，當經令飭本縣第十
一區區長查復，茲據該員復稱，遵查該祠廟產
，原有菜園地八畝，宅地二畝，於民國十六年
被劣紳朱及元剝蝕入己，嗣後先及元伏法，由

公家沒收，撥歸教育局，課給北關師範學校經管，又有旱地三十八畝，共四頃八十畝，坐落於城東雙鋪西邊姚莊。又東寨外明遠頂東邊小莊，旱地一頃三十畝，民國元年五月間，被縣議會沒收。現在均歸教育局，撥充鄉村師範經費，若現在完全收回，應由教育局先將鄉師經費籌定，庶先賢祠產與教育兩無窒礙，等情據此，兼縣長復查屬實，理合具文呈復鈞府鑒核。等情據次，除指令呈悉，查張仲景廟產既在民國十八年，監督寺廟條例頒佈以前撥充教育

經費，核與二十年二月六日內政部禮字第八號
咨開，在監督寺廟條例未公佈以前業經處分之
寺廟勢難恢復者，只得暫維現狀，免致糾紛等
語，自未便發還，致滋糾紛。除咨請中央國醫
館查照外，仰即知照，此令印發外，相應咨請
查照為荷。此咨

中央國醫館館長焦

寧波訪求仲景遺書記

余於去冬詣南陽，恭謁醫聖張仲景祠墓。心有
所感，遂發願搜羅仲師遺著，欲輯成全書，真

獻醫林。今春偶於南京書肆，購得浙江流通圖書館國醫圖書專號一冊，載有張仲景療婦人方二卷，五藏榮衛論一卷，均註存天一閣鈔本字樣。考此二書，其目見於梁七錄，及宋史藝文志。而明志，及清四庫全書總目，皆未著錄，知其遺佚已久。余心焉識之，遂懷往郵閱鈔之念，數月以來。耿耿於中。本月一日，始克啟程，由京過滬，謬承海上同仁謝利恆，蔣文芳，盛心如，張贊臣，過鶴帆，諸先生先後宴邀，隆情厚意，感激靡已。並擬在上海設立建修

南陽醫聖祠享殿募捐委員會，其好善樂義之熱心，誠堪欽佩。同時得遇陸士諤，吳克潛，許半龍，朱鶴皋，陳漱庵，嚴蒼山，章鶴年，黃寶忠，秦伯未，及長沙易南坡，諸先生會晤暢談，藉抒積愫。四夕乘輪，翌晨抵寧波，即往天一閣，適值修葺，尚未竣工，詢諸守者，得悉該閣係明嘉靖時，侍郎范欽字東明者所創建。舊日度藏宋元明木板書籍數萬卷，近來以來，范氏式微，將書賣去十之七八，現時所存無幾。本縣士紳以該閣為全國所知名，關係文獻

綦重，不忍任其散失，乃組織文獻保管委員會，與范氏子孫之賢者，共同負責保管。竊藏重鎖，非會同兩方，不能啟視。余聞之悵然，迺往訪鄞邑醫界碩望周岐隱先生。因周君著有傷寒汲古，精神病廣義，久已膾炙人口，為醫林所重。余既讀其書，想見其為人。覲面若舊識，導余參觀怡怡書屋。乃介弟米泉君之私塾，學生廿餘，經史外授以科學常識，課本皆周君編印。其昆仲友恭行誼，殊堪矜式。留余午餐，同席者王宇高君，民十八曾為全國醫藥團體

請願甯波代表。吳涵秋君，四明武術名家。桂
林羅哲初先生，通經術，能文章，精究醫理，
兼擅鍼灸，身逢世亂，以醫自隱，寓鄞十餘年
，現為本縣廣濟施醫局主任。與余談頗歡洽。
云其家藏有古本傷寒雜病論鈔本，較瀏陽劉岷
湘所得者多三分之一。邀余明日午餐，可臨伊
廬一觀，並介紹本地名宿數人與余會面，情意
殷懇，余既感且喜。飯後周君邀余遊公園，至
圖書館，乃檢查天一閣藏書目錄，並無五藏榮
衛論，療婦人方之目，不知浙江流通圖書目錄

何所據而云然。殊令人失望。然到此於無意
 中邂逅羅先生，得見古本傷寒雜病論，其書之
 隱顯，殆有數存焉。抑仲師之靈，冥冥中有以
 感召耶。翌日午後，同周君至羅第，晤陳君詒
 先生，以所著古本難經闡註校正贈余一部。羅
 先生云，伊所藏古本傷寒雜病論，全書十六卷
 ，共計四冊，此間只有首一冊，餘存桂林。余
 報閱一過，其卷端序一篇，清光緒二十年甲午
 春三月桂林左盛德撰，叙是書傳授淵源頗詳。
 云清道光時，左公隨父宦遊嶺南，同僚有張

公學正字詔祖者，仲景四十六世孫也。言仲景之書，當日稿本原有十三，王叔和所傳者為第七次稿。伊家藏有第十二稿。歷代珍藏，未嘗輕之示人。左公之父，亟令左公師事之，乃克鈔寫一部，由是誦研，遂精於醫。後旋桂林，羅先生從之學，因得手鈔其書。四十年來，亦從未出以示人。雖與周先生交誼最摯，亦未曾寓目。今乃感余之誠，遠來不易，持公開一覽。按瀏陽劉崐湘民國初年，以母喪求葬地於江西山谷中。遇異人張隱君，得古本傷寒雜病論。

十六卷。後以授其宗人劉仲邁，壬申春，湘省
主席何公芸樵，為之手寫付印，始公於世。去
秋周岐隱先生，取古本與通行本比類互參，錄
其佚文佚方，訂誤各條，編成傷寒汲古三卷。
今觀羅先生之古本首冊，較劉仲邁之古本，傷
寒例後多雜病例一篇。一即金匱藏府經絡先後
篇全文，及夫病者手足寒上氣腳縮一條，五藏
風寒積聚篇師曰熱在上焦者以下三條，一傷燥
脈證并治後，有傷風寒病二章。其餘文字，亦
有小異。羅先生言，後三冊六經篇後，無可與

不可與各條，而有金匱諸篇，則此本是較劉本
為勝，蓋舉雜病而名書，則金匱諸篇實不可闕
也。又左公序中，仲師後裔，自晉以後，遷
徙不一，張紹祖之高祖復初公，自鎮南復遷居
光州云。余因此書關係國醫學術，甚為重要。
從慫恿其亟公於世，並囑周君促成其事。俾仲師
佚文，不致湮沒，則余此行為不虛矣。中華民國
二十三年甲戌十二月八日，長安黃竹齋記於
普陀佛頂山。

讀黃竹齋

寧波訪求仲景遺書記
書後

余曩讀傷寒雜病論久之，而感有三難。蓋
 論文古奧，字句簡眩，不易索解，難一。宋元
 以後，注疏無慮百數十家，但各是其是，各非
 其非，互相攻訐，莫衷一是，難二。論文流傳
 至今，閱千七百餘年，經歷代戰爭兵燹之後，
 其篇次之凌亂，原文之散失，在所不免，因註
 者每多隨文釋義，致真理日趨湮晦，難三。有
 此三難，使讀者墮入五里霧中，故望洋興嘆者
 屢矣。然余因長夜茫茫，復行黯徑，是以寢饋
 不遑。私念與其為割裂經文，顛倒竄易者所羈

糾，何如斷其瓜蔓，斬去葛藤，祇讀原文，於
章節中悟神髓，於無字處會精神，日久自覺金
石可通，鬼神來告，知某章為仲景原文，某節
為後人竄易，某句為抄寫倒錯，此余念年來讀
傷寒論於發憤忘食中，而別開生面者也。不然
，魚目混珠，孰是孰非，不能起仲師於泉壤而
問之。其真理終難大白於醫林，而免誤後學。
曹穎甫云，自張隱庵出，始能辨傳寫倒誤，而
猶多沿襲。自黃坤載出，始能辨三陰生死，而
狃於五行。章餘姚曰，歷來註釋傷寒，惟浙之

柯氏，能創通大義。吳之尤氏，能擘劃條理。
 下此以往，皆不足觀。二氏之言，可謂先得我
 心者矣。
 或謂平脈傷寒例各篇，為叔和所補，而開
 後世逞其私智，以偽亂真之濫觴。使傷寒精義
 ，日趨於支離滅裂之途徑，作俑之罪，叔和烏
 可逭耶。不知東漢迄晉，數百餘年，叔和得仲
 景傷寒論原本於斷簡殘篇中，編次鈎傳，後世
 刊行。一。至唐宋之交始刊行於世。一。使金科玉律
 之寶典，抱殘守闕，賴以不墜。倘漢無伏生，

則尚書古籍，必永滅於祖龍灰燼之餘。晉無叔和，則傷寒六篇，早絕跡於五胡亂華之後。仲景之學，繼往開來，集醫聖之大成，為羣方之鼻祖，不遇叔和紹其絕學，則長沙遺軌，焉得再見於今日。然十餘年億兆生民之疾苦，已少此生死肉骨之良機。則王氏功在後世，未可厚非。若仍以擅補傷寒例各篇，非仲景原文罪之，不獨以一眚掩大德，抑亦責人無已時耳。

黃君祖述茲篇垂三十年，雖擷百家之精華，猶恐掛一而漏萬。其鉅著傷寒雜病論集註，

以三陰三陽鈐百病之源，糾正歷來諸家解釋之
錯誤，實言前人所未言，確屬自闢蹊徑，獨有
心得。然猶虛懷若谷，旁搜博採，繼得「古本
傷寒雜病論」一。該書係湖南劉崑湘得之江西張
隱君，一十六卷，首尾完好。其宗人劉仲邁取
世傳最古之宋林億本校讎之，而湘省主席何芸
樵氏手鈔付印。鄞縣周岐隱又亟錄佚文及訂誤
諸條，別為一集，顏曰「傷寒汲古」，計分三
卷，共佚文一百六十五條，訂誤七十九條，佚
方八十有八，已付印公之於世。該古本如鳳毛

麟角，可珍可貴，黃君已參入已著傷寒雜病論集註中，與通行本不同之點，補其佚闕，校其脫訛，前後銜接，朗若列眉。故是書一出。旋告售罄。黃君月前又赴甯波天一閣，訪求仲景遺著。於無意中遇桂林羅哲初先生，得發現仲景當日所著傷寒雜病論第一十二次原稿一。較劉陽劉崐相所得之長沙古本多三分之一。黃君因探得驪珠，歎為奇遇。所詫異者，羅君與周岐隱以十餘年之知交，終未以珍藏傷寒古本見示，必待萍水相逢之黃君覲面，而一見傾心，

將奇書共為欣賞。夫黃石授書，至今傳為美談，
 今羅君豈以黃子梯山航海，因慕道之誠，而
 不吝珠璣耶。抑丁茲中西醫學奮鬥之秋，仲景
 在天之靈，使南陽遺文，發掘寶藏，仍歸之中
 華民族耶。醫藥不亡，於此可見。豈非彼蒼實
 昭鑒之歟。昔朱子註四書，稿經七易，而聖道
 益彰。不意仲景撰著傷寒論，乃稿至十三竄，
 其慘淡經營，終使學理顛撲不破，為百世奉為
 圭臬之醫典，嗚呼，厥功偉矣。夫叔和所鈔行
 後世者，相傳係第七次稿，今黃子赴甬發現羅

君所珍藏者，乃第十二次稿。不知江西張隱君所授劉崑湘，是第幾稿。二千年零縑碎錦之十三稿，究不知如數仍藏之名山，傳之其人否也。日月一出，則燭火無光。古本再見。則臆說可禱。彼通行本之散佚謬，註釋者之附會牽強，已不攻自破，而弗值識者一笑。豈非干載疑團，一朝大白之快事耶。惟望羅君將所藏鈔本傷寒雜病論，亟公諸世，刊行遠邇。一以再補通行本之錯誤脫闕，一以亟供醫藥界之切實探討。使仲景心傳，發揚光大，以貢獻世界之

研究。將來中華醫學，終有形成國際化之一日。則仲景一古本傷寒雜病論一顯晦有時，關係醫藥至鉅，非偶然也。吁嗟，吉光片羽，猶在人間。金匱玉函，彌珍天壤。柳亭謹代表海內醫藥同仁，敬謝羅君古本傷寒雜病論之公開，以永垂不朽。則黃君此行，冥冥中殆有數存焉。

繼自今第一十三次稿一倘再發現於神州大陸，為國醫界放一異彩，余不禁同此馨香禱祝矣。

前稿甫脫，適窈波周岐隱宗兄來函，附傷

寒雜病論一十二稿一手寫本一序文一首
。鹽誦迴環，為之景仰感喟者久之。夫仲
景傷寒雜病論，成於炎漢建安紀年。其十
二稿忽發現於國醫焦頭爛額之秋，上下二
千年，經歷代之兵戈，宗室之遷徙，卒能
為仲師四十六世賢孫紹祖所保存。再經左
羅師生蘊匱珍藏，俾長沙遺文，仍還之長
沙。中流砥柱，以挽狂瀾，豈非天哉。所
可概者，該十二稿獨發現之不早耳。使披
露於明清之際，以張隱庵柯韻伯之學理卓

絕，尤在涇徐靈胎之才識過人，得此校正	譌誤，補出脫闕，闡明傷寒之真諦，直扶	六經之原委，庶荆棘除而康莊在前，砥礪	去而完璧自見，何至古今註釋各家，多以	柴奪朱，顛倒經文，紛紜聚訟，使傷寒真	義，湮沒不彰者，數百年於茲耶。第先聖	學說，晦顯有時，往者已矣，補牢未晚。	興廢繼絕，責在賢豪，此稿一出，定能風	行海內，膾炙人口。則左羅黃周諸君，羽	翼仲景之功，為不可沒矣。余亟將來序並
--------------------	--------------------	--------------------	--------------------	--------------------	--------------------	--------------------	--------------------	--------------------	--------------------

周函，述其顛末，趕登各地刊物，以冀國
內外醫界名流，先覩為快云爾。

周柳亭附誌於中央國醫館

附周岐隱先生來函

柳亭宗丈先全道鑒，謹啟者，前日黃竹齋先生
來甬，小住二日，即往遊晉院。未知近已返京
否。渠在敵地，見仲景第一十二稿一之手寫本
，歎為奇遇。囑弟代鈔數葉，茲交門人先錄出
左公書序。如黃君已到京，祈為轉交。倘尚在
申，望暫為保存。並盼示覆為感，肅此敬候

起居

十二月十四日宗教弟岐隱拜啟

傷寒雜病論序

余聞吾師張紹祖先生之言曰，吾家傷寒一書，

相傳共有一一十三稿。每成一稿，傳鈔殆遍

城邑。茲所存者，為第一十二稿。餘者或為

族人所秘，或付劫灰，不外是矣。叔和所得，

相傳為第七次稿，與吾所藏者較，其間闕

如固多，編次亦不相類。或為叔和所篡亂，或

疑為宋人所增刪，聚訟紛如，各執其說，然攷

晉時尚無刊本，猶是傳鈔，唐末宋初，始易傳鈔為刊刻，遂稱易簡。以此言之，則坊間所刊者，不但非漢時之原稿，恐亦非叔和之原稿也。余聆訓之下，始亦疑之，及讀至傷寒例一卷，見於可汗不可汗，可吐不可吐，可下不可下法，盡在其中。於六經已具之條文，並不重引，法律謹嚴。始知坊間所刻之辨可汗不可汗，可吐不可吐，可下不可下，以及發汗吐下後各卷，蓋後人以讀書之法，錯雜其間，而未計及編書之法，固不如是也。不然，孔氏之徒間

仁者衆，問政者繁，何不各類其類，而憚煩若
 此耶。吾師諱學正，自言為仲景四十六世孫。
 自晉以後，遷徙不一，其高祖復初公、自嶺南
 復遷原籍，寄居光州，遂聚族焉。吾師雖承家
 學，不以醫名，亦不輕出此書以示人。余之得
 受業者，殆有天焉。余宿好方術，得鍼灸之學
 於永川鄧師憲章公，後隨侍先嚴遊宦嶺南，與
 吾師同寅。朝夕相過從，見余手執宋本傷寒論
 ，笑問曰：亦嗜此乎。時余年僅弱冠，答曰：
 非敢云嗜，尚未得其要領，正尋繹耳。師曰：

子既好學，復知鍼灸，可以讀傷寒論矣。吾有世傳鈔本傷寒雜病論十六卷，向不示人，得人不得，恐成墜緒。遂歷言此書顛末。及吾師家世，滔滔不倦。先嚴促余曰，速下拜，於是即席拜之，得師事焉。今羅生哲初，為吾邑知名之士，從習鍼灸，歷有年所，頗能好余之所好，余亦以所得者盡授之。余不負吾師，羅生亦必不負余，故特序其原起，羅生其誌之，羅生其勉之。

光緒二十年歲甲午春三月桂林左盛德序

中央國醫館第二屆全國國醫藥界代表大會

提案

為提議募捐重修南陽醫聖祠享殿以崇先聖而揚
國光榮

理由

竊以表彰先哲增國際之光榮報德追功見民風之
敦厚我國醫藥學術創始於神農發明於黃帝三代
及漢漸臻完備至張仲景撰傷寒雜病論而集其大
成尚論者推為方書之鼻祖醫宗之亞聖歷代醫家
莫不奉為圭臬教澤久被東瀛仁術漸及西歐不僅

為我國千有七百餘年民族疾病所託命亦現代國
際醫藥學術莫大之光榮茲查南陽醫聖祠在仲景
墓後僅殿宇三楹屋敞垣頽湫隘殊甚而祠田六頃
餘盡為該縣師範學校所佔有不惟無以表示國人
崇德報功之誠抑且致貽外邦數典忘祖之誚同人
等服務國醫藥界不忍膜視爰集眾議除呈請
中央國醫館行文河南省政府令飭南陽縣將該師
範學校所佔醫聖祠田地全數歸還外擬於仲景墓
前建築享殿五楹中祀醫聖張仲景左配祀王叔和
右配祀孫思邈東西廡各五楹祀註傷寒論金匱要

呈請

略朱肱成無已許叔微趙以德方中行王肯堂喻嘉
 言程郊倩魏念庭程雲來徐忠可柯韻伯尤在涇江
 苓友周禹載張令韻張隱庵錢天來吳謙徐靈胎黃
 坤載陳修園諸大家並建門樓三間藏書閣一座蒐
 羅仲景遺著及古今中外諸家傷寒金匱註釋皮藏
 其中以資學者研究所需款項擬具捐冊千份向海
 內外好善君子醫藥界同人募集襄茲盛舉並由各
 地醫藥界聯合組織董事會詳訂章程員監修保管
 之責以昭大公而垂永久以上所陳是否有當理合

大會公決謹呈

中央國醫館全國代表大會

附費章程一份

提案人陝西代表黃竹齋

附議人陳遜齋

周柳亭

羅哲初

張忍庵

劉貽炳

郭受天

楊伯雅

隨翰英

程調之

張蘊忠

劉古衡

重修南陽醫聖祠董事會章程

二十四年四月二十二日籌備會修改

第一條 本會由全國醫藥界及各界熱心醫藥人

士共同組織之員經修南陽醫聖祠事務

之全責。

第二條

本會設董事四十九人至九十九人並由
董事互推常務董事七人至九人由常務
董事互推董事長副董事長各一人均為
名譽職不得支薪俟經修事務告成時任
務即為終了

第三條

本會事務之進行以董事會議決議行之
董事會議每年舉行一次開會時由董事

第四條

長招集並以董事長為主席董事長因故

不能執行職務時由副董事長代理

第五條

常務董事每月須開常務會議一次商決

進行事項每年須將經辦情形款項收支

報告於董事會議

第六條

修祠款項之收集以募捐方法行之由董

事會印發募捐公啟及捐冊委託各地醫

藥公會或醫藥界著名人士辦理之

第七條

各地負募捐之責者應於接到捐冊後每

二月結算一次將已募捐冊捐款匯繳本

會保管俟集有成數即行舉辦修建事宜

第八條

本會收到各地匯繳捐款後除隨時登報

公佈外並於辦理歲事時一面印佈總收

支報告以昭大公一面將認捐經捐人姓

名姓名勒石立碑於祠內以垂不朽

第九條

本會因辦事之必要得設置會計文牘庶

務工程等主任由董事長於常務董事中

指派輪流担任期各為一年

第十條

本會暫設首都長生祠中央國醫館內必

要時得在南陽設辦事處經辦招工監修

等事

第十一條

本章程如有未盡事宜得由董事五人

以上之提議經董事會議決議修改之

發起重修南陽醫聖祠備案及籌備會議決議
之經過

案重修南陽醫聖祠建議書暨董事會章程於民國
二十三年九月三十日由發起人黃謙等呈請中
央國醫館備案 本年十月九日奉 館指令二六
六七號內開呈暨章程均悉准予備案此令 二十
四年三月十七日由發起人等提案 中央國醫館
第二屆全國國醫藥代表大會會議黃代表竹齋（
即黃謙因陝西醫藥界公推出席代表簽字竹齋）
等提議募捐重修南陽醫聖祠享殿以崇先聖而揚

國光
議決交理事會核辦
本年三月二十五

日經第二屆第一次常務理事會議第二次代表大

會支下關於尊崇醫聖提案第二案交理事會核辦

案
議決交審查
四月十三日第二次常務理事

會議
議決關於尊崇醫聖案第二件交館擬就募

捐緣起通令全國醫藥兩界盡量捐募俟有成數再

由館派員辦理
四月二十二日下午八時由發起

人在中央國醫館大禮堂開第一次籌備會
出席

者
郭受天
周柳亭
隨翰英
周晉生
張蘊

忠
楊伯雅
黃竹齋
劉鴻甫
羅哲初等
討

論事項(三)修正章程案 決議第一條原文本會由

全國醫藥界共同組織之改為本會由全國醫藥界

及各界熱心醫藥人士共同組織之 第二條原文

本會設董事二十一人由全國醫藥界推舉並由董

事互推常務董事七人改為本會公推董事四十九

人至九十九人並由董事互推常務董事七人至九

人 第三條本會事務之進行以董事會議決議行

之原文下刪董事會議須得過半數董事之出席方

為有效十八字 (三)刊刻圖記案 決議刻本質長

章一文曰重修南陽醫聖祠籌備處

三推舉董事案
決議推
焦易堂
陳立夫

彭養光
陳文虎
張伯英
章太炎
胡文虎

楊仁天
王幼農
楊茂三
王岐山
謝利恆

陸仲安
丁仲英
郭伯良
薛文元
蔣文芳

唐吉父
盛心如
張贊臣
施今墨
陳无咎

丁福保
葛養民
憚鐵樵
宋大仁
樂紹虞

包識生
潘茂林
陸士諤
張錫三
王碩如

朱鶴皋
王澂瑩
劉通
祈大鵬
吳琢之

孔庚
趙希復
蔡幹卿
蔡承緒
柯與參

余華龕
曹夢塵
陳松坪
周偉呈
曾覺叟

周岐隱

黃星樓

王慎軒

朱殿如

時逸人

鄒趾痕

周禹錫

裴吉生

郝芸衫

劉嶽崙

劉仲邁

王和安

宋愛人

曹炳章

吳瑞甫

呂麗屏

葉橘泉

郭謙齋

維聲峻

范筱村

黃竹齋

陳遜齋

周柳亭

郭受天

羅哲初

楊伯雅

隨翰英

楊華亭

張蘊忠

劉鴻甫

湯慶麟

同伯亭

張岐卿

劉古衡

徐敬之

周晉生

陸淵雷

李曉峯

王智輝

陳震異

李伯成

陸永年

馬蔭堦

周紹文

張治河

方學

周岐齋

方亦元

岑志良

莊梅堂

程調之

朱亦丹等九十九人為董事由籌備處發

函通知

左修之先生像傳

先生諱盛德廣西桂林人也年十五即食廩饒中歲
酷嗜醫學好遊名山大川所遇輒多奇士於永川遇
鄧公憲章得鍼灸學於嶺南遇仲聖四十六世孫張
公紹祖得其家藏第十二次傷寒雜病論十六卷原
稿極深研幾終不欲以醫名世晚年歸隱廣授生徒
經史而外獨不及醫雖有請益俱不輕授民十一年
壬戌壽七十有八始歸道山哲初忝列門牆繆膺贊
許然東西南北陸氏莊荒琴劍飄零不能廣大其學
負吾師矣茲擬將傷寒雜病論原稿付梓公之天下

No. /

而以吾師遺像列於篇首故略敘其顛末俾後之君子得知此書之所從來並得仰先生之豐采焉

桂林羅哲初謹識

上海讀者紙品工業社

禮君 (20X20)